

Cu bista riba un maneho deportivo innovativo pa futuro

Comite Olimpico Arubano ta nombra Monica Fajardo Rico como Director Tecnico



Despues di un proceso di transicion cu a wordo planifica cuidadosamente durante un periodo di varios año, Directiva di COA a nombra Sra. Monica Fajardo Rico como Director Tecnico, cu tin como tarea principal pa dirigi Direccion di Deporte cu e departamento tecnico di COA.

Monica sigur no ta un cara desconoci pa e federacionnan deportivo, como e la fungi como Metodologa di COA di januari 2020 te cu awor. Monica ta tuma over e funcion di Lic. Edmundo Josiah, cu a guia y maneha e proceso tecnico di COA durante varios año.

Comite Olimpico Arubano ta gradici profundamente e trabao di Edmundo durante tur e añanan cu e la encabesa e departamento tecnico, unda e la muestra gran dedicacion y determinacion na desaroya y yuda crece deporte na Aruba.

Banda di esaki, Edmundo a yuda orienta Monica durante e ultimo 5 año, asina pasando tur su conocimiento y experiencia practico. Alabes ta felicita Monica cu su reto nobo, cu sigur ta bon mereci danki na e tremendo trabao desplega desde su prome dia cu COA casi 5 año pasa.

Monica ta semper pone deporte riba prome lugar, y ta

haci su maximo esfuerso pa asina yuda tur federacion y atleta logra yega na maximo potencial. Monica ta destaca como un persona cu ta haci investigacionnan profundo y usa su conocimiento profesional como metodologa pa asina logra resultadonan concreto. Hopi exito Monica!

Verstappen ta gana Grand Prix di Brazil



(AP) — Piloto di Red Bull, Max Verstappen a tuma stap mayor dilanti pa sigura su di cuatro titulo consecutivo di Formula Uno ganando e Grand Prix di Brazil dia-domingo, a pesar di cuminsa posicion No. 17, y a aumenta su bentaha riba Lando Norris di McLaren cu tres careda faltando.

E Hulandes por sigura su tro-

feo na Las Vegas e luna aki.

Den un di e miho caredanan di su carera, Verstappen a sobrepasa castigonan prome cu e careda como tambe e clima muha na Interlagos pa gana su prome victoria desde juni, y su di ocho victoria den Grand Prix e año aki. El a gana pa casi 20 seconde y tambe a registra e buelta mas rapido na Interlagos 17 biaha durante e careda pa ricibi un punto adicional.

E Hulandes a aumenta su bentaha di 44 na 62 punto riba Norris, kende a gana e careda di sprint diasabra. Norris a cuminsa den posicion pole, pero a caba den un decepcionante di seis lugar. E piloto Britanico por mira e gap aumenta mas ainda, mientras un investigacion despues di e careda ainda ta colga riba dje.

Converti bo compranan di tur dia, den **momentonan inolvidabel**

Activa bo tarheta Bankomatiko+ Debit awe mes y ricibi recompensa cu cada compra. Cu cada compra di Afl. 100.00 of mas, bo tin chens un gift card exclusivo.

*Mara na cierto stipulacion y condicion. **Valido pa transaccion den tienda y online.

E campana aki ta valido te cu dia 31 di december, 2024.

+297 593 6374 | eAmigo Contact Center: +297 522 3000 | cmbnv.com | CMBnews | bobancoamigo@cmbnv.com